



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 412  
fax. +387 33 726 414  
e – mail: [info@voda.ba](mailto:info@voda.ba)

Broj: **UP-I/25-3-40-241-4/21**

Datum: **21.07.2021. godine**

Agencija za vodno područje rijeke Save» Sarajevo rješavajući po zahtjevu pravnog lica „ALFE-MI» d.o.o. Živinice za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekata metaloprerađivačke industrije, izgrađene u ulici Maline 16, općina Živinice, na osnovu člana 109. stav 2. točka 1., a u vezi sa članom 110. stav (4) Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 49/99), donosi:

### **RJEŠENJE** **o vodnoj dozvoli**

1. Pravnom licu „ALFE-MI» d.o.o. Živinice, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekata metaloprerađivačke industrije, na zemljištu označenom kao k.č. broj: 301/1, 301/2, 301/3, 301/5, 301/6, 301/7, 301/8, 301/9, 301/10, 301/11, 301/12, 301/13, 301/14, 301/15, 301/16 i 302/1 K.O. Spreča, Općina Živinice.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
  - 3.1. Da Investitor «ALFE-MI» d.o.o. Živinice objekte izgrađene u krugu kompleksa metaloprerađivačke industrije održava u funkcionalnom stanju i koristi u skladu sa namjenom i uslovima iz ove vodne dozvole.
  - 3.2. Da korisnik obavezno praktikuje suho čišćenje prije pranja vodom kako bi se uklonile nečistoće sa radnih površina, trošilo manje vode za pranje i time smanjio teret zagađenja otpadnih voda.
  - 3.3. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
  - 3.4. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
  - 3.5. Vlasnik, odnosno korisnik poslovnog objekta je obavezan da izgrađene objekte, a čija svrha je odvođenje i prečišćavanje oborinskih voda (separatori ulja i naftnih derivata, slivnici i rešetke, kanalizaciona mreža, odvodni kanali do recipijenta i sl.), redovno održava i koristiti na način koji će obezbijediti njihovu potpunu ispravnost i funkcionalnost.
  - 3.6. Sadržaj (mulj) iz uređaja za prečišćavanje otpadnih voda (talog iz separatora i slivničkih kaca) i ostali otpad ne smije se odlagati na česticu «vodno dobro», odnosno u vodotoke i na njegove obale.
  - 3.7. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama, izdanim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih

vodnih naknada („Službene novine Federacije BiH“, broj 92/07, 46/09, 79/11, 88/12 i 3/16), Prilog 1, Poglavlje V – Određivanje koeficijentata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove vodne dozvole, pravno lice, odnosno korisnik predmetnog objekta je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i postupati po nalogu mjerodavnih institucija, te poduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima u sklopu predmetne benzinske stanice obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor je dužan da podnese zahtjev za izdavanje nove vodne dozvole.
11. Ova vodna dozvola može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **Obrazloženje**

Pravno lice „ALFE-MI» d.o.o. Živinice, zahtjevom bez broja, zaprimljenim 01.06.2021. godine se obratilo ovoj Agenciji za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekata metaloprerađivačke industrije, na zemljištu označenom kao k.č. broj: 301/1, 301/2, 301/3, 301/5, 301/6, 301/7, 301/8, 301/9, 301/10, 301/11, 301/12, 301/13, 301/14, 301/15, 301/16 i 302/1 K.O. Spreča, Općina Živinice.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana sljedeća dokumentacija:

- Aktuelni izvod iz sudskog registra, matični broj subjekta upisa: 1-337 od 20.04.2021. godine izdato od strane Općinskog suda u Tuzli – ovjerena kopija;
- Ovjerena kopija Uvjerjenja o poreznoj registraciji od 06.07.2006. godine izdato od strane Porezne uprave - Kantonalni ured Tuzla;
- Ovjerena kopija Uvjerjenja o registraciji/upisu u jedinstveni registar obveznika indirektnih poreza od 11.11.2005. godine izdatog od strane Uprave za indirektno oporezivanje BiH;
- Kopija Rješenja o vodnoj dozvoli, donesenog od strane Ministarstva poljoprivrede šumartva i vodoprivrede TK, broj: 04/1-13-25-12449/19 od 23.04.2019. godine;
- Kopija Rješenja o vodnoj dozvoli broj UP-I/25-3-40-094-4/16 od 18.04.2016. godine izdato od strane Agencije za vodno područje rijeke Save Sarajevo;
- Rješenje o okolinskoj dozvoli za proizvodnu halu – lakirnicu kapaciteta više od 75 t/g lakova, broj: UPI 05/2-23-11-116/19 od 07.11.2019. godine izdato od strane Federalnog ministarstva okoliša i turizma – kopija;
- Kopija Rješenja o odobrenju za građenje Preduzeću „Nikola Tesla“ Tuzla za gradnju proizvodne hale na lokaciji „Maline“, broj: 03/5-UP/1-351-120/72 od 14.06.1972. godine, Skupština opštine Živinice;
- Kopija Rješenja o upotrebnoj dozvoli OOUR-u Fabrika aluminijskih konstrukcija Živinice za upotrebu upravne zgrade i restorana, donesenog od strane SRBIH Opština Živinice, broj: 05/5-UP/1-360-63/80 od 15.04.1981. godine;
- Kopija Rješenja o odobrenju za građenje proizvodne hale na parceli k.č. 301/6 K.O. Spreča, broj: 05/5-23-2776/07 od 16.08.2007. godine, Općina Živinice;

- Kopija Rješenja o odobrenju za građenje hale za preradu stakla na parceli k.č. 301/1 K.O. Spreča, broj: 05/5-23-2221/09 od 26.06.2009. godine, Općina Živinice;
- Kopija Rješenja o odobrenju za građenje hale za skladištenje repromaterijala na parceli k.č. 301/1 K.O. Spreča, broj: 05/5-23-1276/09 od 26.06.2009. godine, Općina Živinice;
- Kopija Rješenja o odobrenju za građenje hale za proizvodnju drvenih pozicija sa nadstrešnicom na parceli k.č. 301/1 K.O. Spreča, broj: 05/5-23-5077/08 od 17.01.2009. godine, Općina Živinice;
- Kopija Rješenja o odobrenju za građenje proizvodne hale na parceli k.č. 301/11 K.O. Spreča, broj: 05/5-23-2080/12 od 26.07.2012. godine, Općina Živinice;
- Kopija Rješenja o odobrenju za građenje objekta proizvodne hale – lakirnice i montaže na parceli k.č. 301/14 i 301/3 K.O. Spreča, broj: 12-04/1-23-018944/16 od 06.10.2016. godine, Ministarstvo prostornog uređenja i zaštite okolice Tuzla;
- Kopija Rješenja o odobrenju za građenje hale za skladištenje robe i repromaterijala na parceli k.č. 301/1 K.O. Spreča, broj: 04/7-19-7976/2020 od 28.12.2020. godine, Grad Živinice;
- Elaborat o ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za „ALFE-MI“ - Živinice, urađen od strane „Institut za hemijsko inženjerstvo“ Tuzla, maj 2021. godine;
- Kopija ugovora o čišćenju i zbrinjavanju otpadnih voda i taloga broj: 511-01/21 od 01.06.2021. godine sa pravnim licem „KEMEKO-BH“ d.o.o. Lukavac;
- Kopija ugovora o preuzimanju i zbrinjavanju opasnog otpada broj: 512-01/21 od 01.06.2021. godine sa pravnim licem „KEMEKO-BH“ d.o.o. Lukavac;
- Dokaz o uplati upravne i administrativne takse na zahtjev.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata izvršen je obilazak predmetne lokacije i tom prilikom je sačinjen zapisnik o uviđaju broj: UP-I/25-3-40-241-3/21 od 16.07.2021. godine i konstatovano slijedeće:

Predmetni kompleks objekata ALFE-MI d.o.o. Živinice je izgrađen u ulici Maline na zemljištu označenom kao k.č. broj: 301/1, 301/2, 301/3, 301/5, 301/6, 301/7, 301/8, 301/9, 301/10, 301/11, 301/12, 301/13, 301/14, 301/15, 301/16 i 302/1 K.O. Spreča, Općina Živinice.

Na predmetnoj lokaciji su izgrađeni objekti za proizvodnju višenamjenskih metalnih kontejnera i to: objekat čelične konstrukcije, objekat montaže, objekat za preradu stakla (u objektu se vrši ugradnja gotovih pozicija stakala koja se dobavljaju od proizvođača), drvene pozicije, alu bravarija, prateći objekti i skladište.

Osnovna djelatnost je proizvodnja metalnih konstrukcija, kontejnera svih vrsta i namjena, PVC i Al stolarije, specijalnih profila od lima i slično. Proizvodnja se odvija u četiri pogona i to: pogon za proizvodnju čeličnih konstrukcija, pogon za proizvodnju PVC i Al stolarije, panela i pozicija od drveta, pogon antikorozivne zaštite, pogon montaže kontejnera.

Prateći objekti su upravna zgrada, restoran, kotlovnica, skladište repromaterijala, skladišta gotovih proizvoda i silos za piljevinu. U svim pogonima podne površine su vodonepropusne bez ispusta i odvoda, sa zastupljenim suhim čišćenjem.

Zagrijavanje kompleksa se odvija putem centralnog grijanja tj. iz vlastite kotlovnice na čvrsto gorivo (drveni otpaci).

Odvod iz pogon za antikorozivnu zaštitu se vrši suhim putem a sav opasni otpad, prema izjavi predstavnika podnosioca, iz ovog pogona propisno skladišti i predaje na dalje zbrinjavanje ovlaštenoj organizaciji, prema sklopljenom ugovoru.

Investitor je u toku provođenja aktivnosti izgradnje proizvodne hale-lakirnice u krugu predmetnog kompleksa, čime će biti riješeni nedostaci postojećeg pogona antikorozivne zaštite koji će se staviti van upotrebe izgradnjom proizvodne hale-lakirnice.

Oborinska voda sa asfaltnih površina kompleksa metaloprerađivačke industrije «ALFE-MI» d.o.o. Živinice se putem kanala sa rešetkom i uličnim slivnicima dijelom odvodi do separatora ulja i naftnih derivata sa koalescentnim filterom dijelom direktno. Oborinske vode se ispuštaju kroz objekat propusta ispod pruge Brčko-Banovići potom kroz odvodni kolektor DN1200mm prema potoku Brestovik. Krajnji recipijent je rijeka Spreča.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama i odredbama člana 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta, te je riješeno kao u dispozitivu ovog rješenja.

Podnosilac zahtjeva je dana 21.07.2021. dostavio dokaz o plaćenim posebnim troškovima (uviđaj na licu mjesta) u iznosu od 52,19 KM.


Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

#### **UPUTA O PRAVNOM LIJEKU:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka  
Nihad Pezo, dipl.inž.građ.

Po ovlaštenju  
Rukovodilac sektora za izdavanje  
vodnih akata

  
Haris Ališehović, dipl.inž.građ.

Dostaviti:

- „ALFE-MI» d.o.o. Živinice, ul. Maline 16, 75270 Živinice
- AVP Sava, ISV – Vodna knjiga
- Sektor 50
- Sektor 40, arhiva
- ① AVP Sava - Oglasna ploča